

Broj: 06-03-497-10/19
Mostar, 15.01.2020. godine

Na osnovu člana 21., člana 37., člana 42., člana 84., člana 87. stav (1) i stav (2) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stava (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. stav (1) tačka c) i člana 43. stav (1) Pravilnika za izdavanje dozvola („Službene novine Federacije BiH“ broj 2/17), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5., člana 6. stav (2), člana 8. i člana 9. stav (2) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad broj 06-03-497/19 od 09.04.2019. godine podnosioca zahtjeva „ECO ENERGY“ d.o.o. Gračanica, ul. Sarajevska br. 1, Gračanica, u postupku izmjene i dopune Dozvole za rad – licence za obavljanje elektroprivredne djelatnosti proizvodnja električne energije broj 06-03-1501/86/13, Regulatorna komisija za energiju u Federaciji Bosne i Hercegovine – FERK je 15.01.2020. godine na I redovnoj sjednici donijela sljedeće

RJEŠENJE

1. Dozvola za rad – licenca za obavljanje elektroprivredne djelatnosti proizvodnja električne energije broj 06-03-1501/86/13 izdata Rješenjem broj 06-03-1501-14/86/13 od 26.03.2014. godine, imaoce dozvole „ECO ENERGY“ d.o.o. Gračanica mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se „ECO ENERGY“ d.o.o. Gračanica status kvalifikovanog proizvođača u objektu solarne fotonaponske elektrane „ECO ENERGY 1“, solarne fotonaponske elektrane „MBP“ i solarne fotonaponske elektrane „BKS“, u periodu važenja dozvole iz tačke 3. ovog rješenja.
3. Dozvola za rad za proizvodnju električne energije iz tačke 1. ovog rješenja važi do 25.03.2024. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola za rad iz tačaka 1. i 3. ovog rješenja.
5. Iznos privremene regulatorne naknade koju je imalac dozvole obavezan platiti za 2020. godinu utvrđen u tački 6. Odluke broj 08-07-1318/19 od 20.12.2019. godine mijenja se i glasi „2.239,43“.
6. Imalac dozvole je prvi dio regulatorne naknade iz tačke 5. ovog rješenja u iznosu od 1.085,17 KM obavezan platiti u roku od 30 dana od dana prijema ovog rješenja, a preostali dio regulatorne naknade u iznosu od 1.154,26 KM imalac dozvole je obavezan platiti do 31.08.2020. godine.
7. Regulatorna naknada iz tačke 5. ovog rješenja će se preračunati nakon donošenja odluke o utvrđivanju procenta za obračun varijabilnog dijela regulatornih naknada za 2020. godinu o čemu će se izdati posebno rješenje.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 09.04.2019. godine pod brojem 06-03-497/19 primio od podnosioca „ECO ENERGY“ d.o.o. Gračanica Zahtjev za izmjenu i dopunu dozvole za rad, u postupku izmjene i dopune Dozvole za rad – licence za obavljanje elektroprivredne djelatnosti proizvodnja električne energije broj 06-03-1501/86/13 od 26.03.2014. godine, zbog izgradnje novog proizvodnog objekta solarne fotonaponske elektrane „ECO ENERGY 1“, solarne fotonaponske elektrane „MBP“ i solarne fotonaponske elektrane „BKS“.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad broj 06-03-497-01/19 od 26.04.2019. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dopis primljen u FERK 10.05.2019. godine pod brojem 06-03-497-02/19, uz koji je dostavio dio tražene dokumentacije i obrazloženja. Vezano za ugovor o koncesiji, propisan članom 7. stav (1) tačka n) alineja 2) Zakona o koncesijama Hercegovačko-neretvanskog kantona („Službene novine HNŽ/K“ broj 1/13, 7/16 i 6/18) FERK se obratio nadležnom Ministarstvu privrede Hercegovačko-neretvanskog kantona dopisom broj 06-03-497-03/19 od 24.05.2019. godine kojim je zatražio informaciju da li je „ECO ENERGY“ d.o.o. Gračanica upotpunio zahtjev za dodjelu koncesije, te da li je procedura izdavanja koncesije u toku. Dalje, Ministarstvo je dostavilo dopis primljen u FERK dana 30.05.2019. godine pod brojem 06-03-497-04/19, kojim je FERK obaviješten da je Ministarstvo nakon uvida u dokumentaciju priloženu uz prijedlog za dodjelu koncesije, utvrdilo da „ECO ENERGY“ d.o.o. Gračanica nije dostavio svu propisanu dokumentaciju po prijedlog za dodjelu koncesije. U cilju potpunog kompletiranja dostavljene dokumentacije, FERK je podnosiocu zahtjeva 08.07.2019. godine dostavio Zahtjev za informacijama broj 06-03-497-05/19, povodom kojeg je podnosilac zahtjeva dostavio dopise primljene u FERK 15.07.2019. godine pod brojem 06-03-497-06/19, 27.11.2019. godine pod brojem 06-03-497-07/19 i 09.12.2019. godine pod brojem 06-03-497-08/19, uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-497/19 od 09.04.2019. godine podnosioca zahtjeva „ECO ENERGY“ d.o.o. Gračanica. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-497-09/19 od 13.12.2019. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 20.12.2019. do 10.01.2020. godine do 12:00 sati, kao i da su lica koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 20.12.2019. do 10.01.2020. godine do 12:00 sati.

Do ostavljenog roka za dostavu pisanih komentara, odnosno do 10.01.2020. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4., članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. istog pravilnika propisan je da postojećim imaoциma dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog Pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom procenta p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog Pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoца dozvole. Članom 9. stav (2) Pravilnika o metodologiji i načinu obračuna regulatornih naknada za imaoce dozvola propisano je da će se novim imaoциma dozvola za obavljanje elektroprivrednih djelatnosti i imaoциma dozvola iz člana 6. stav (1) tog pravilnika, koji dobiju, odnosno izmijene i dopune dozvolu za obavljanje elektroprivredne djelatnosti za vrijeme važenja odluke iz člana 8. stav (4) istog pravilnika, utvrditi/preračunati iznos privremene regulatorne naknade izdavanjem pojedinačnog rješenja, koje će se primjenjivati do donošenja odluke iz člana (8) stav (1) tog pravilnika i rješenja iz člana 8. stav (2) tog pravilnika. Na osnovu navedenog Odlukom broj 08-07-1318/19 od 20.12.2019. godine „ECO ENERGY“ d.o.o. Gračanica kao postojećem imaoцу dozvole za rad utvrđen je fiksni dio privremene regulatorne naknade za 2020. godinu u iznosu od 500,00 KM, te varijabilni dio privremene regulatorne naknade za 2020. godinu u iznosu od 219,64 KM, kao i ukupan iznos privremene regulatorne naknade za 2020. godinu u iznosu od 719,64 KM. Kako je imalac dozvole povećao ukupnu instalisanu snagu svojih proizvodnih objekata i prelazi iz jedne kategorije u drugu, privremena regulatorna naknada za 2020. godinu preračunata je u skladu sa članom 5., članom 6. stav (1), članom 8. i članom 9. stav (2) ovog Pravilnika, tako da fiksni dio privremene regulatorne naknade za 2020. godinu sada iznosi 1.942,62 KM, te varijabilni dio privremene regulatorne naknade za 2020. godinu sada iznosi 296,81 KM, kao i da ukupan iznos privremene regulatorne naknade koju je imalac dozvole obavezan platiti za 2020. godinu sada iznosi 2.239,43 KM. O obavezi plaćanja regulatorne naknade imaoцу dozvole će se ispostaviti obavještenje.

Na osnovu obrade Zahtjeva za izmjenu i dopunu dozvole za rad podnosioca „ECO ENERGY“ d.o.o. Gračanica i dokumentacije priložene uz zahtjev, izvršena je izmjena i dopuna Dozvole za rad – licence za obavljanje elektroprivredne djelatnosti proizvodnja električne energije broj 06-03-1501/86/13 od 26.03.2014. godine, zbog izgradnje novog proizvodnog objekta solarne fotonaponske elektrane „ECO ENERGY 1“, solarne fotonaponske elektrane „MBP“ i solarne fotonaponske elektrane „BKS“. Osim navedenog, FERK je uočio i potrebu izmjene i dopune navedene dozvole za rad na osnovu člana 93. stav (1) Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio da je opravdano izvršiti određena usklađivanja dozvole za rad sa odredbama Zakona o korištenju obnovljivih izvora energije i efikasne kogeneracije, a takođe i sa odredbama FERK-ovih Pravilnika o sticanju statusa kvalifikovanog proizvođača i Pravilnika za izdavanje dozvola. Kako je predmetna dozvola promijenila naziv u dozvolu za rad za proizvodnju električne energije, kao i zbog potrebe izmjene i dopune više od polovice uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes pristupilo se izradi i usvajanju izmijenjene i dopunjene Dozvole za rad za proizvodnju električne energije imatelja „ECO ENERGY“ d.o.o. Gračanica, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioc, te je usklađena sa odredbama naprijed navedenog Zakona o korištenju obnovljivih izvora energije i efikasne kogeneracije, te Pravilnika o sticanju statusa kvalifikovanog proizvođača i Pravilnika za izdavanje dozvola, s tim da je period važenja dozvole za rad ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, stvaraju obavezu „ECO ENERGY“ d.o.o. Gračanica da u rokovima propisanim u uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović

Dostaviti:

- „ECO ENERGY“ d.o.o. Gračanica (poštom preporučeno uz dostavnicu)
- Operatoru za OIEiEK (poštom preporučeno uz dostavnicu)
- Sektoru za tehničke poslove i licence